

خطِ پُلُس بَلِدِه ایمانداری غلاتیه

پیشگفتار

خوشخبری دَ بارِه عیسیٰ مسیح دَ مینکلِ غَیرِ یهودیا اعلان مُوشُد و اونا قبُول کده ایمان میورد. مگم بَلِدِه ایماندارای ولایتِ غلاتیه يگ سوال پیدا شد که اگه يگ نفر دَ عیسیٰ مسیح ایمان میره، آیا او باید از شریعتِ موسیٰ ام پیروی کنه یا نه؟ دَ امزی خط، پُلُس دَ بارِه امزی مَوضوع بَحث مُوکنه و پیروی کدو از شریعتِ موسیٰ ره ضروری نَمِیدنه. او تاکید مونه که ایمان يگانه بُنیاد بَلِدِه نجات آسته و تنها از طریقِ ایمان يگ شخص میتنه دَ حضورِ خُدا قبُول شُنه و دَ پیشِ اُو عادل حساب شُنه.

لیکن بعضی معلمای دروغی دَ مینکلِ جماعتِ ایماندارای ولایتِ غلاتیه آمدده که قد امزی نظرِ پُلُس مخالف بود و اعلان مُوكد که بَلِدِه قبُول شُدو دَ حضورِ خُدا يگ شخص باید شریعتِ موسیٰ ره دَ جای بیره.

مقصدِ اصلی نوشتہ کدونِ امزی خطِ ای اَسته که ایماندارای ره که دَ وسیله تعليیم غلط گمراه شُدد، دُوباره دَ ایمان تشویق کنه و پس دَ راهِ راست بیره. پُلُس

مَوْضِيَّ خَطْ رَهْ قَدْ امْزِيَ دَلِيلَ شُرُوعَ مُونَهْ كَهْ أُوْ حَقَّ دَرَهْ رَسُولِ عِيسَى مَسِيحَ گُفَتَهْ شُنَهْ وَ تَاكِيدَ مُونَهْ كَهْ أُوْ ازْ طَرْفِ خُدا رَسُولِ اِنتِخَابَ شُدَهْ وَ هَيْچَ إِنْسَانَى أُوْ رَهْ دَرَى خِدْمَتَ مُقرَرَ نَكَدَهْ. عَلَوَهْ ازَى أُوْ بَيَانَ مُونَهْ كَهْ خِدْمَتَ اُزُو بَطْوَرِ خَاصَ دَمِينَكَلِ غَيْرِ يَهُودِيَا أَسْتَهْ. بَعْدَ اُزُو ازْ عَقِيَّدَهْ خُو دِفَاعَ مُونَهْ وَ مُوكِيَهْ كَهْ إِنْسَانَ تَنَاهَا ازْ طَرِيقِ اِيمَانَ دَپِيشِ خُدا عَادِلَ حِسابَ مُوشَهْ. پُولُسَ دَفَصْلَهَايِ ٥ وَ ٦ بَيَانَ مُونَهْ كَهْ رَفَتَارَ وَ كِرَدَارِ مَسِيحِيَا ازْ رَوْحِ الْقُدْسِ سَرْجَشَمَهْ مِيكِيَّرَهْ كَهْ دَوْجُودِ شَخْصِ مَسِيحِيِّ أَسْتَهْ. وَ إِيْ رَفَتَارَ وَ كِرَدَارِ نَتِيَّجَهْ مُحَبَّتَى أَسْتَهْ كَهْ دَوْسِيَّلَهْ اِيمَانَ دَمَسِيحَ دَوْجُودَ مِيَيَهْ.

فَهْرِستِ عِنْوَانَهَا

سلامَهَا (فَصْلَ ١ آيَهِ ١)

يَكَانَهْ خَوْشَبَرَى (٦:١)

پُولُسَ پَيَغَامَ مَسِيحَ رَهْ إِعلَانَ مُونَهْ (١١:١)

دِيَگَهْ رَسُولَى مَسِيحَ پَيَغَامَ پُولُسَ رَهْ قَبُولَ مُونَهْ (١:٢)

پُولُسَ پِتْرُسَ رَهْ مَلَامَتَ مُونَهْ (١١:٢)

اِيمَانَ يَا اِنجَامَ دَدَونَ شَريِّعَتَ (١:٣)

شَريِّعَتَ وَ وَعِدَهْ خُدا (١٥:٣)

بَچَكِيَّچَاهِيَّ خُدا (٢٣:٣)

تَشْويِشِيَّ پُولُسَ دَبارِهْ غَلاتِيا (٨:٤)

سَارَهْ وَ هَاجَرَ (٢١:٤)

آزادی خو ره د مسیح حفظ کنید (۱:۵)

زندگی قد روح القدس (۱۶:۵)

رفتار نیک قد پگ مردم (۱:۶)

توره های آخر (۱۱:۶)

^۱ از طرفِ پُلُس، رسُولی که نَه از جانِبِ انسان و نَه دَوْسِیله انسان، بلکه دَوْسِیله عیسیٰ مسیح و آته موْحَدًا که مسیح ره از مُرده‌ها دُوباره زِنده کد، انتِخاب شُد^۲ و از طرفِ تمامِ بِراونی که قد ازمه آسته، بلده جماعت‌های ایماندارای ولایتِ غلاتیه.^۳ فَیض و سلامتی از طرفِ آته موْحَدًا و مَوْلَا عیسیٰ مسیح نصیب شُموشْنه،^۴ از طرفِ مَوْلَای که جانِ خُوره بلده گُناهای موْدَتا موْرد ازی زمانه شِریر که دَحالِ حاضر وجود دَرده، دَمُطابِق خاست-و- اراده آته موْحَدًا نِجات بِدیه.^۵ او ره تا آبدالاً باد بُزرگی-و-جلال باد. آمین.

یگانه خوشخبری

^۶ ما حیرو آستم که شُمو ایقس زُود اُزو کسی که شُمو ره دَفَیض مسیح دعَوت کده، رُوی مِیگردنید و سُون خوشخبری دِیگه مورید. دَحقِیقت خوشخبری دِیگه وجود نَدره، مگم بعضی کسا آسته که شُمو ره دَسرَدَرگُمی میندَزه و میخایه خوشخبری مسیح ره تبديل کُنه. ولے حتی اگه مو یا یگ ملایکه از عالم باله یگ خوشخبری دِیگه ره دَز شُمو اعلان کُنه بَغَیر از خوشخبری که مو دَز شُمو اعلان کدی، دَز لعنت باد!^۷ اُمو رقم که مو پیش ازی گُفتی، آلی بسم مُوگُ: اگه کُدم کس یگ خوشخبری دِیگه ره اعلان مُونه بَغَیر از خوشخبری که شُمو قبول کدید، دَز لعنت باد!

^۸ امی آلی آیا ما دَطلب تایید مردم آستم یا تایید خُدا؟ یا ما کوشش مُونم که مردم ره خوش کنم؟ اگه تا آلی ره دَ تلاشِ خوش کدونِ مردم مُوبُودم، ما غُلام مسیح نَمُوبُودم.

پُلُس پیغام مسیح ره اعلان مُونه

^۹ آی بِراو، ما میخایم شُمو پی بُبرید که خوشخبری ره که ما بلده شُمو اعلان کُدم از انسان نییه؛^{۱۰} چراکه ما او ره از انسان دَدست نَورُدم و نَه ام از انسان یاد گِرفتم، بلکه او ره دَوْسِیله وَحی عیسیٰ مسیح دَدست آورُدم.^{۱۱} چون شُمو دَباره زِندگی سابق مه که دَدین یهود بُودم شنیدید که ما چیقس کَلو جماعت ایماندارای خُدا ره آزار-و-آذیت مُوكِدم و کوشش مُوكِدم که اونا ره نابُود کنم^{۱۲} و دَدین یهود از غَدر هَمُوراغون خُو کده دَمنه قَوم خُو پیشرفت دَشتم و دَباره رسم-و-رواج بابه کلونای خُو سخت غَیرتی بُودم.^{۱۳} مگم وختی خُدای که مره از کَوره آیه مه انتِخاب کدد، دَوْسِیله فَبَض خُو مره کُوى کد، او صلاح دید^{۱۴} که با چه خُوره بلده مه ظاهِر کُنه تا ما دَباره اُزو دَبَین

مردمای غیر یهود خوشخبری ره اعلان کنم، دمُو غَيْت ما قد إنسان مشوره نَكْدُم^{۱۷} وَ اورُشَلِيمِ امَّ دَپِيشِ امزُو
کسای که از مه پیش رسُول بُود تَرَفْتُم، بلکه دَعَرِستانِ رَفْتُم و بعد ازو پس دَدَمشقَ آمدُم.^{۱۸} اوخته بعد از سِه سال
دَ اورُشَلِيمِ رَفْتُم تا پِتْرُسِ ره بِنَگَرُم و پوزده روز قد ازو مندُم.^{۱۹} مَكْمَ دِيَگَه رسُولا ره بَغَيرِ از يَعْقُوبِ بِرَارِ مَولا نَدِيدُم.^{۲۰}
چیزای ره که دَز شُمُو نوشه مُونُم، اینه، دَحُصُورِ خُدا مُوكِيم دروغ نِبِيه.^{۲۱} بعد ازو دَمنطقه های سُوريه و
قِيلِيقِيه رَفْتُم.^{۲۲} ما بَلَدِه جماعت های ايماندارای یهوديه که دَ مسيح ايمان داشت هنوز چهره تاشناس بُودُم.^{۲۳} اونا
 فقط امي ره شِينيَدد که "امُو کسی که ساِيق مو ره آزار-و-آديت مُوكد، آلى دَباره امزُو ايمان خوشخبری مِيديه که
 یگ وخت میخاست او ره نابُود کُنه."^{۲۴} و اونا خُدا ره بخاطر ازمه سِتايش کد.

دِيَگَه رسُولاي مسيح پَيَغَامِ پُولُسِ ره قِبُولِ مُونَه

^۱ بعد از چارده سال ما قد برنابا بسم دَ اورُشَلِيمِ رَفْتُم و تِيشِسِ ره امَّ قد حُو قتى بُرُدم.^۲ ما بخاطرِ يگ وَحَى که دَز
مه آمد رَفْتُم و خوشخبری ره که دَبَيْنِ مردمِ غَيْرِ یهودِ اعلانِ مُوكَدُم دَزوا نقل کُدم، مَكْمَ تنهَا قد ايماندارای نامُتو،
 چون قد حُو گَفْتُم، نَشَنَه که بَيْ فَايَه بِدَوْمِ يا دَوِيدَه بَشَم.^۳ دَ نَتِيجه، همسَرِه مه تِيشِس که يونانى بُود، ام مجبور نَشَد
که ختنه شُنَه.^۴ اي پِيشِنهاد بخاطر مسيحيای دروغی شُد که تاشَكَى داخل آمَدَد تا دَباره آزادِي که مو دَ مسيح
عيسيٰ درِي جاسُوسِي کُنه و تا مو ره دُوياره غُلامِ شريعت جور کُنه.^۵ مَكْمَ مو يگ لحظه ام دَزوا تَن نَدَدِي تاكه
 حقِيقَتِ خوشخبری دَز شُمُو باقى بُمنَه.^۶ از مِينَكِلِ کسای که ايماندارای نامُتو بُود، اونا هر کسی که بُود بَلَدِه ازمه
 فرق نَمُونَه، چون خُدا دَ ظاهِرِ انسان توخ نَمُوكَنه، امُو ايماندارای نامُتو هيچ چيزِي دَپَيَغَامِ ازمهِ إضافَه نَكَد،^۷ بلکه
 برعکس، اونا پَيْ بُرد که اعلان خوشخبری بَلَدِه مردمای غَيْرِ یهود دَعَهِ پِتْرُسِ ايشته شُدد.^۸ چون امُو خُدَائي که دَ
 وجودِ پِتْرُسِ کار کد تا بَلَدِه مردمای یهود رسُول بَشه، دَجُودِ ازمه ام کار کد تا بَلَدِه مردمای غَيْرِ یهود رسُول بَشَم.^۹
 وختي يَعْقُوبِ، پِتْرُسِ و يوحَنَّا که بَحَيثِ سُنُونِ های جماعتِ ايماندارا شِنَخته مُوشَد، فَيَضَى ره که دَز مه دَدَه شُدد
 دِيد، اونا قد ازمه و برنابا قولِ دوستي-و-رفاقت دَد و صَلاح امي شُد که مو دَپِيشِ مردمای غَيْرِ یهود بوري و اونا دَ
 پِيشِ مردمای یهود.^{۱۰} يَكَانَه چيزِي که اونا از مو خاستِي بُود که مو غَرِيبَا ره دَيادِ خُو دَشته بشَى و اي امُو
 چيزِي بُود که ما بَلَدِه انجام دَدون شى غَدر شَوق-و-علاقَه دَشَم.

پُولُسِ پِتْرُسِ ره ملامَتِ مُونَه

^{۱۱} مَكْمَ وختيَکِه پِتْرُسِ دَ آنطاكيه آمد، ما قد ازو رُوى دَ رُوى مُخالِفتَ كُدم، چراکه او بَطَورِ واضح ملامَت بُود،

^{۱۲} چون پیش از رسیدون بعضی کسا از طرف یعقوب او قد مردمای غیر یهود نان مُخورد، مگم وختیکه اونا رسید،
 او خود خو ره پس کشیده جدا کد بخاطری که از ختنه شدها ترس خورد. ^{۱۳} و دیگه یهودیا ام دَزی ریاکاری قد ازو
 یکجای شد، دَ اندازه که بَنابا ام دَ وسیله ریاکاری ازوا راه گُمک شد. ^{۱۴} مگم وختی دیدم که اونا دَ درستی مطابق
 حقیقت خوشخبری رفتار نمونه، ما دَ پیشِ روی بگ دَ پترس گفتم: "اگه تو با وجود که یگ یهود استی، رقم
 مردمای غیر یهود زندگی مونی، نه رقم یگ یهود، پس چطور میتنی مردمای غیر یهود ره وادر کُنی که رقم یهودیا
 زندگی کُنه؟" ^{۱۵} مو ذاتاً یهود استی، نه از جم مردمای غیر یهود گناهکار؛ ^{۱۶} ولی مو میدنی که انسان از طریق
 کارای شریعت عادل حساب نمُوشَه، بلکه دَ وسیله ایمان دَ عیسی مسیح عادل حساب مُوشَه. مو ام دَ مسیح عیسی
 ایمان اوردي تا دَ وسیله ایمان دَ مسیح عادل حساب شُنی، نه از طریق کارای شریعت، چون از طریق کارای شریعت
 هیچ کس عادل حساب نمُوشَه. ^{۱۷} لیکن اگه مو دَ حالیکه دَ تلاش عادل حساب شُدو دَ وسیله مسیح استی،
 معلومدار شُنه که خودون مو گناهکار استی، آیا مسیح مو ره تشویق مونه که گناه کنی؟ هرگز نه! ^{۱۸} چون اگه
 چیزای ره که خراب کدم دُواره آباد کُم، ما خود ره خطاکار ثابت مُونم. ^{۱۹} چون ما دَ وسیله شریعت بلده شریعت
 مردم تا بلده خُدا زندگی کُنم. ^{۲۰} ما قد مسیح دَ صلیب میخکوب شُدیم و ای دیگه ما نیستم که زندگی مُونم، بلکه
 مسیح استه که دَز مه زندگی مونه. و ای زندگی ره که فعلًا دَ جسم دَرم، فقط دَ وسیله ایمان دَ باجه خُدا زندگی
 مُونم که او مره مُحبَت کد و جان خُو ره بخاطر ازمه دَد. ^{۲۱} ما فیض خُدا ره باطل نمُونم، چون اگه عادل شُدو از
 طریق شریعت دَ دست مییه، پس مسیح بے فایده مُردَه.

ایمان یا انجام دَدون شریعت

^۳ آی غلاتیای نادو، کی شُمو ره جادو کده؟ آیا امیطور نییه که تصویر واضح از عیسی مسیح که دَ صلیب
 میخکوب شد دَ پیش چیمای شُمو ایشتم؟ ^۴ تنها چیزی ره که ما میخایم از طرف شُمو بُقامم اینی استه: آیا شُمو روح
 القدس ره دَ وسیله انجام دَدون شریعت دَ دست اوردید یا دَ وسیله ایمان دَ پیغامی که شُمو شنیدید؟ ^۵ آیا شُمو ایقس
 نادو آستید که قد یافتون روح القدس شروع کدید و آلی میخاهید که دَ وسیله جسم کامل شنید؟ ^۶ آیا شُمو امیقس
 سرگذشت ها ره بے فایده تجربه کدید؟ اگه ای حقیقت دَره، تجربه شُمو بے فایده بُوده. ^۷ آیا خُدا روح القدس ره دَز
 شُمو میدیه و دَ مینکل شُمو معجزه ها ره ظاهر مونه بخاطر ازی که شُمو کارای شریعت ره انجام میدید یا بخاطر
 ایمان اوردو دَ پیغامی که شنیدید؟

^۸ امُورِ رقم که نوشتته شده، "ابراهیم دَ خُدا ایمان اورد و ای بلده ازو یگ عمل عادلانه حساب شد،" شُمو میدنید دَ

غَيْنِ رقم کسای که ایمان دَرَه، اُونا أَوْلَادِ إِبْرَاهِيمَ أَسْتَه. ^٨ چُون نوشتَه مُقَدَّس پیشِبَینی مُونه که خُدا مردمای غَيْرِ یهُود ره دَ وسِيله ایمان عادِل حساب مُونه، امزی خاطر پیش از پیش دَ إِبْرَاهِيم خوشخبری دَ که "تمام مِلت ها دَ وسِيله ازْتُو بَرَكَت پَيَدا مُونه." ^٩ دَ امزی دلیل کسای که ایمان دَرَه قد إِبْرَاهِيم که ایمان آورَد يَكْجَائِي بَرَكَت پَيَدا مُونه.

^{١٠} تمام کسای که تکيه دَ کارای شريعت کده، زیر لعنت آسته، چُون نوشتَه شُدَه: "نَالَتْ دَ كَسِيَ كَه دَ تَامَ چِيزَيِ کَه دَ كِتابِ شريعت نوشتَه شُدَه ثَابِتَ قَدَمَ نَمَنه وَ اُونا ره دَ جَايَ نَيرَه." ^{١١} پس واضح آسته که هیچ کس دَ وسِيله شريعت دَ حُضُورِ خُدا عادِل حساب نَمُوشَه، چُون «شَخْصِ عادِلَ دَ وسِيله ایمان زِندَگَيِ مُونَه.» ^{١٢} مگم شريعت دَ ایمان تعلق نَدارَه، بلکه «كَسِيَ کَه احْكَام شريعت ره دَ جَايَ مِيرَه، او دَ مُطَابِقِ ازوا زِندَگَيِ مُونَه.» ^{١٣} مسيح مو ره از لعنتِ شريعت بازخَرِيد کده بخاطرِ ازمو لعنت شُدَه، چُون نوشتَه شُدَه: "هَرَ كَسِيَ کَه دَ دَارَ آوزو شُنَه لعنتَيِ آسْتَه." ^{١٤} ای کار شُدَه تا بَرَكَتِ إِبْرَاهِيم دَ وسِيله عيسی مسيح دَ مردمای غَيْرِ یهُود بَرَسَه و تاكه مو روح الْقُدْسِ وعده شُدَه ره دَ وسِيله ایمان دَ دِست بيري.

شريعت و وعدِه خُدا

^{١٥} ای بارو، بیلید که ما بَلَدِه شُمُو يَكَ مَثَلَ از زِندَگَيِ روزَمَره بُگُم: وختی يَكَ عَهْد-و-پَيَمان بستَه شُدَه، حتَّى اگه عَهْدِ إِنْسَانِي ام بَشَه، هیچ کس او ره باطِل نَمُونَه و يا دَزُو كُدم چِيزِ إِضافَه نَمُونَه. ^{١٦} ولے دَ اينجَيِ وعدَه ها دَ إِبْرَاهِيم و دَ نسلِ ازو دَدَه شُدَه. نوشتَه مُقَدَّس نَمُونَه که، «دَ نسلِ ها» که دَ بارِه غَدر کسا بَشَه، بلکه مُوگِيَه «دَ نسلِ ازْتُو» يعني دَ بارِه يَكَ نفر که او مسيح آسته. ^{١٧} مقصِدِ ازمه ايني آسته: عَهْد-و-پَيَمانِي ره که خُدا قد إِبْرَاهِيم بستَه کد، شريعتی که چار صد و سِي سال بعد دَ وجودَ آمد، نَمِيتَه او ره باطِل کُنه تا وعدَه ره از بَيَن بُبرَه. ^{١٨} چُون اگه ميراث از طَريقِ شريعت دَ دِست مِيمَد، دِيگَه از طَريقِ وعدَه قَابِلِ دِستَرسِ نَمُؤُود. مگم خُدا امُو ميراث ره از طَريقِ وعدَه دَ إِبْرَاهِيم دَد.

^{١٩} پس مقصِدِ شريعت چي بُود؟ شريعت بخاطرِ خطاهَا إِضافَه شُدَه، او ام تا زمانِ آمدونِ امزُو نسلِ که وعدَه دَزشَي دَدَه شُدَد. شريعت دَ وسِيله ملَايكَه ها و دَ دِستِ يَكَ ميانجَيِ مُقرَر شُدَه. ^{٢٠} ولے ميانجَيِ نَمَاينَدَه يَكَ طرفِ نَبيَه، مگم خُدا يَكَ آستَه. ^{٢١} پس آيا شريعت دَ ضَدِ وعدَه ها يَخُدا آستَه؟ بِلَكُلَّ نَهَ! چُون اگه يَكَ شريعت دَدَه مُوشَدَ که مِيتَنِستِ زِندَگَيِ بُبخَشَه، حتَّماً عدالت از طَريقِ شريعت دَ دِست مِيمَد. ^{٢٢} مگم نوشتَه شريعت واضحَ کد که تمام چِيزَا دَ بَنِدِ گُناه آستَه تا امُو چِيزَي که وعدَه دَدَه شُدَد، دَ وسِيله ایمان دَ عيسی مسيح بَلِدِه ايماندارا دَدَه شُنَه.

بچکیچای خُدا

^{۲۳} مگم پیش از آمدون ایمان پگ مو د بند شریعت نگاه شده بودی و تا زمان ظاهر شدون ایمان د بند شی بودی.

^{۲۴} پس شریعت تا وخت آمدون مسیح اصلاح کننده مو بود تاکه مو د وسیله ایمان عادل حساب شنی. ^{۲۵} لیکن آلى

که ایمان آمده، مو دیگه د زیر فرمان اصلاح کننده نیستی، ^{۲۶} چراکه پگ شمو د وسیله ایمان د مسیح عیسی!

^{۲۷} هر کدم از شمو که د راه مسیح غسل تعیید گرفتید، قد مسیح پوشانده شدید. ^{۲۸} پس

دیگه نه یهود آسته و نه یونانی، نه علام و نه آزاد، نه مرد و نه خاتو، چراکه پگ شمو د مسیح عیسی! یگ آستید.

^{۲۹} و اگه شمو د مسیح تعلق دارید، پس شمو نسل ابراهیم و مطابق وعده، وارث آستید.

^۱ مقصید توره مه اینی آسته: تا وختیکه وارث ریزه آسته، از یگ علام هیچ فرق نداره، اگرچه صاحب تمام دارایی ام بشه؛ ^۲ چون او تا امزرو روز که آته شی تعیین کده د زیر نظر سرپرستا و وکیلا مومنه. ^۳ امی رقم وختیکه مو ریزه بودی، مو ام علام اصول های دنیایی بودی. ^۴ لیکن وختیکه زمان پوره شد، خُدا باچه خُوره ریی کد که او از یگ خاتو د دنیا آمد و زیر بند شریعت تولد شد، ^۵ تا کسای ره که زیر بند شریعت بود آزاد کنه و تا مو حق فرزندی ره د دست بیری. ^۶ و ازی که شمو بچکیچا آستید، خُدا روح باچه خُوره د دلهاي مو ریی کد که فریاد کده مُوگیه: «آتا!» یعنی «آتی!» ^۷ پس هیچ کدم شمو دیگه علام نیستید، بلکه باچه آستید؛ و بخاطری که باچه آستید، وارث ام آستید از طرف خُدا [د وسیله مسیح].

تشویش پولس د باره غلاتیا

^۸ د زمان سابق وختیکه شمو خُدا ره نمیشنختید، شمو بندِ چیزای بودید که ذاتاً خُدایو نبود. ^۹ مگم آلى که خُدا ره میبخشید یا بر عکس د وسیله خُدا شنخته شدید، چطور میتنید که بسم سون امزرو اصول ضعیف و ناچیز بورید؟ آیا شمو میخایید که دوباره علام ازوا شنید؟ ^{۱۰} شمو بعضی روزها، ماه ها، فصل ها و سال ها ره خاص حساب کده نگاه مونید. ^{۱۱} ما میترسم زحمتی که د بله شمو کشیدم بے فایده شده بشه.

ساره و هاجر

^{۱۲} آی بارو، از شمو خاھش مونم که رقم ازمه آلى جور شنید، امو رقم که ما مثل از شمو آلى جور شدیم. شمو بله

ازمه هیچ بدی نکدید. ^{۱۳} شُمو خبر دَرِید، دفعه اول بخاطر مِرِيضی جِسمی بُود که دَ منطقه شُمو آمدُم و خوشخبری ره دَز شُمو اعلان کُدم. ^{۱۴} اگرچه وضع جِسمی مه بلده شُمو یگ آزمایش بُود، لیکن شُمو مَره خار حِساب نکدید و از مه رُوی گردو نَشَدید، بلکه از مه رقمی پَذیرایی کدید که بُگی از ملایکه خُدا یا مسیح عیسیٰ پَذیرایی مُونید.

^{۱۵} پس کُجا شُد احساس خوشی شُمو؟ ما دَ باره شُمو شاهِدی میدیم که اگه إمکان میداشت، شُمو چیمای خُوا ره بُر کده دَز مه میدید. ^{۱۶} آیا امزی خاطر دُشمنون شُمو سُدیم که حقیقت ره دَز شُمو مُوگیم؟ ^{۱۷} اونا بلده دَ چنگ آوردون شُمو جوش-و-خروش دره، مگم نَه بلده مقصِد نیک، بلکه اونا میخایه که شُمو ره از مو جدا کُنه تا شُمو بلده ازوا جوش-و-خروش دَشته بَشید. ^{۱۸} جوش-و-خروش دَشتو بلده مقصِد نیک هر زمان خُوب آسته، نَه تنها وختیکه ما قد شُمو آسُم. ^{۱۹} آی بچکیچای مه، ما بلده شُمو بسم دَرِ اولاد میکشم تا وختیکه مسیح دَز شُمو شکل بگیره. ^{۲۰} کشکه امی آلی قد شُمو مُوبُودم تا طرز گفتون خُوا ره تبَدیل مُوكدم، چراکه ما دَ باره شُمو غَدر گیج شُدیم.

^{۲۱} شُمو که میخاهید زیر بند شریعت بَشید، دَز مه بُگید، آیا شُمو از آید شریعت نَمُوشید؟ ^{۲۲} چُون نوشتہ شُده که ابراهیم دُو باچه دَشت، یگ شی از کنیز بُود و دیگه شی از خاتون آزاد. ^{۲۳} البتنه باچه کنیز مُطابق خاھِشِ انسان تَولد شُد، مگم باچه خاتون آزاد مُطابق وعده. ^{۲۴} ای چِیزا یگ مِثال آسته: امی دُو خاتُو دُ عهد آسته، یگ شی مِثل کوه سِینا آسته که بلده غُلامی میزیه؛ او هاجر آسته. ^{۲۵} هاجر نُمایندگی از کوه سِینا مُونه که دَ عربستان آسته و قد اورُشَلِیم فعلى مُطابقَت دره، چُون او قد اولادای خُوا دَ غُلامی آسته. ^{۲۶} مگم اورُشَلِیم عالم باله آزاد آسته و او آبه پگ مو آسته. ^{۲۷} چُون نوشتہ شُده:

”خوش بَش، آی خاتون سَنَدَه“

که هرگز اولاد نَکدے!

چیغ بَزن و خوشی کُو، آی کسی که دَرِ زَیدو ره نَدیده،

چراکه اولادای خاتون بَس کس از اولادای خاتون شُوی تو کده گلوتَر آسته.“

^{۲۸} فعلًا شُمو آی بِرارو، رقم إسحاق الّی بچکیچای وعده آستید. ^{۲۹} دُ او زمان باچه که مُطابق خاھِشِ انسان تَولد شُدد، باچه ره که مُطابق خاست روح الْقدس تَولد شُدد، آزار-و-آذیت مُوكد؛ امروز ام امُورِ رقم آسته. ^{۳۰} مگم نوشتِه مُقدَّس چیز مُوگیه؟ مُوگیه: ”کنیز و باچه شی ره از خانه بُر کُو، چراکه باچه کنیز قد باچه خاتون آزاد دَ میراث

شِرِیگ نییه.^{۳۱} دَ امْزى حِسَاب آی بِرَارُو، مو بچِکِیچاِی کَبِيز نِيَسْتِي، بلکِه بچِکِيچاِي خَائُون آزاد آستَي.

آزادِي خُوره دَ مسيح حِفَظ كَنِيد

^۵ بلده آزاد بُودو مسيح مو ره آزاد كد. پس أُستوار بَشِيد وَ نَه ايليد كه يُوغ غُلامى بسم دَ گردون شُمو ايشته شنه. ^۶ اينه، ما پولُس بلده شُمو مُوكُم كه اگه ختنه شُنِيد، مسيح بلده شُمو بے فايده مُوشَه. ^۷ ما بسم إعلان مُؤْمِن، هر مردي كه ختنه شنه، او مجبور آسته كه از تمام احکام شريعت اطاعت كُنه. ^۸ و شُمو كساي كه ميخاهيد دَ وسيلي شريعت عادل حِساب شُنِيد، شُمو از مسيح جدا شُدِيد و از فَيَضِ خُدا دُور شُدِيد. ^۹ مگم مو دَ وسيلي روح الْقُدْس از راه ايمان قد شَوق مُنتظر عدالتى آستى كه دَرْشى اميد دَرَى. ^{۱۰} چون دَ مسيح عيسى نَه ختنه شُدو اهميَت دَره و نَه ام ختنه نَشُدو، بلکِه چيزى كه اهميَت دَره ايمان آسته كه از طِريق مُحبَّت عمل مُونه.

^{۱۱} شُمو خُوب دَويش مُوكِيد؛ كَي مانع شُمو شُد تا از حقِيقَت اطاعت نَكْنِيد؟ ^{۱۲} اي رقم تشويق از طرف اُزو نِييه كه شُمو ره كُوي كده. ^{۱۳} كم وَرَى خميرمايه تمام خمير ره ميرسنه. ^{۱۴} ما دَ باره شُمو دَ خُداوند باور دَرُم كه شُمو كَدم عقيده دِيگه نَدرِيد. ليكن كسى كه شُمو ره دَ سردارگمِي مينَدَزه، او هر كسى كه بَشه، دَ سزاي اعمال خُو ميرسنه. ^{۱۵} اي بِرَارُو، اگه ما تا هنوز ختنه شُدوره إعلان مُونم، پس چرا آزار-و-آذىت مُوشَم؟ چون دَ اي صورت مُخالفَت قد پيغامِ صلييب از بَين رفته. ^{۱۶} امو كساي كه شُمو ره دَ سردارگمِي مينَدَزه، كشكِه اونا خود خُوره خَسِي مُوكد.

^{۱۷} بِرَارُو، شُمو كُوي شُدِيد تا آزاد بَشِيد. مگم اي آزادِي ره بلده پوره كدون خاهشاتِ جسم خُويگ فرصت حِساب نَكْنِيد، بلکِه قد مُحبَّت يگِدِيگِه خُوره خِدمَت كَنِيد، ^{۱۸} چراكه تمام شريعت دَيگ حُكم خلاصه مُوشَه: "همسایه خُوره رقم خود خُو آلى دوست دَشته بش." ^{۱۹} ليكن اگه يگِدِيگِه خُوره نيش بِزَنيد و قورت كَنِيد، فِكر شُمو بَشه كه از دِستِ يگِدِيگِه خُوتباه مُوشَيد.

زندگى قد روح الْقُدْس

^{۲۰} پس ما مُوكُم، دَ هِدَایَت روح الْقُدْس زِندَگَى كَنِيد و خاهشاتِ جسم ره پوره نَكْنِيد، ^{۲۱} چراكه خاهشاتِ جسم برخلافِ روح الْقُدْس آسته و خاست روح الْقُدْس برخلافِ خاهشاتِ جسم، چون اي دُو مُخالِف يگِدِيگِه خُوره آسته. امزى خاطر چيزى ره كه شُمو بخاهيد انجام بَدِيد، نَميَتَنِيد. ^{۲۲} ليكن اگه شُمو دَ وسيلي روح الْقُدْس هِدَایَت شُنِيد، شُمو دَ

بندِ شریعت نیستید.^{۱۹} کارای جسم معلومدار آسته: زنا، ناپاکی، شهوتپرستی، بُت پرسنی، جادوگری، دشمنی، جنگ-و-جنجال، بخیلی، قار، خودخاهی، فتنه انگیزی، گروهگرایی، حَسَد، [قتل]، نشه، عیاشی و چیزای که مثیل ازی باشد. ما شموم ره باخبر مونم، امو رقم که پیش ازی ام باخبر کدم: او کسای که امی رقم کارا ره مونه، اونا وارث پادشاهی خدا نموشه.^{۲۰} مگم شمره روح القدس اینیا آسته: محبت، خوشی، آرامش، صبر-و-حواله، مهربانی، نیکی، وفاداری، فروتنی و گذشت. هیچ شریعت مخالف امزی رقم چیزا نییه.^{۲۱} کسای که د مسیح عیسی ا تعلق دره جسم ره قد هوسها و خاهشات شی د صلیب میخکوب کده.^{۲۲} اگه مو د هدایت روح القدس زندگی مونی، بیلید که امچنان د وسیله روح القدس هدایت شنی.^{۲۳} پس بیید که خودپسند-و-لافک نبشی، یگدیگه خو ره سر شور نیری و قد یگدیگه خو حسادت نکنی.

رفتار نیک قد پگ مردم

۶ آی براو، اگه یگو کس د حین خطای گرفتار موشه، شموم کسای که روحانی آستید او ره د ملایمتی اصلاح کنید. مگم هوش خو ره بگیرید، نشنه که شموم ام گرفتار وسوسه شنید.^۱ بارهای مشکلات یگدیگه خو ره تحمل کنید و دمزمی رقم شریعت مسیح ره پوره کنید.^۲ اگه کدم کس خود خو ره یگو چیز فکر مونه د حالیکه هیچ چیز نییه، او خود ره بازی میدیه.^۳ هر کس باید اعمال-و-رفتار خود خو ره امتحان کنه، اوخته افتخار اعمال شی تنها بلده خود ازو آسته، بدن که خود ره قد دیگه کس برابر کنه، چون هر کس باید بار خود خو ره ببره.

کسای که از کلام خدا تعلیم میگیره، باید معلم خو ره د تمام چیزای خوب خو شریک کنه. خود ره بازی ندید، خدا ریشخند نموشه، چون هر چیزی که انسان کشت کنه، امو ره درو مونه.^۴ چون کسی که بلده جسم خو کشت کنه، او از جسم فساد درو مونه؛ لیکن کسی که بلده روح کشت کنه، او از روح زندگی آبدی درو مونه.^۵ پس بیید که از انجام کار نیک منده نشنى، چون اگه دست از کار نکشی، حاصلات ره د وخت شی درو مونی.^۶ امزی خاطر تا وختیکه مو فرصت دری، بیید که د پگ مردم نیکی کنی، خصوصاً د کسای که از جم ایماندارا آسته.

توره های آخر

۱۱ توخ کنید که قد چی حرفا کنه ما امی خط ره قد دست خود خو بلده شموم نوشتنه کدم.^۷ کسای که میخایه خود ره د جسم خوب-و-دیندار نشو بدهیه، اونا کوشش مونه که شموم ره مجبور کنه تا ختنه شنید، تنها بلده ازی که

بخاطرِ صلیبِ مسیح آزار-و-آذیت نَشَنَه.^{۱۳} حتی اُمو کسای که ختنه مُوشَه، خودون شی از شریعتِ اطاعت نَمُونَه، ولے اُونا خاھِش دَرَه که شُمَو ختنه شُنِید تا اُونا دَبارِه چِسْم شُمَو افتخار کُنَه.^{۱۴} لیکن از مه دُور بَشَه که بَغَیر از صلیبِ مَولَای مو عیسیٰ مسیح دَبَلَه کُدَم چِیزی دِیگَه افتخار کُم، چُون دَوسِیلَه اُرو بُود که دُنیا بَلَدَه مه دَصلیب میخکوب شُد و ما بَلَدَه دُنیا.^{۱۵} نَه ختنه شُدو اهمیت دَرَه و نَه ام ختنه نَشُدو، بَلَکَه خلقتِ نَو مُهِمَّ اَسْتَه. و کسای که امزی قانُون پَیَرَوی کُنَه، آرامِش و رَحْمَت نصِيبِ ازوا شُنَه و نصِيبِ إسرائیل قَوْمَ خُدا.

^{۱۷} بعد ازی دِیگَه هیچ کس مُزاِحِم مه نَشَنَه، چُون ما دَچِسْم خُو داغ های ره دَرُم که بخاطرِ عیسیٰ خوردیم.

^{۱۸} فَیضِ مَولَای مو عیسیٰ مسیح قد روح شُمَو باد، آی بِرارو. آمین.